

Te Kura Kaupapa Māori o Wairarapa

TE PŪTĀTARA



Mōheni - Wāhanga 4 - Wiki 7, 2023

Tēnā koutou e te whānau,

Nau mai ki to tātou mōheni mo te wāhanga tuawhā mō te wiki 5! Tiro atu ki tō mātou whārangi pukamata mō ētahi atu pānui.

pg.3	HE KŌRERO NĀ TE TUMUAKI
pg.4	HE PĀNUI
pg.5	TE AHO MATUA
pg.6	NGĀ UARA O TŌ TĀTOU KURA
pg.7	TE AHU O TE REO
pg.8–12	<u>NGĀ AKOMANGA:</u> KURA NOHINOHI KURA TEINA KURA WAENGA WHAREKURA
pg.13–14	HĀKINAKINA
Pg.15–16	KAPA HAKA
pg.17	TE REO MĀORI
pg.18–19	TUTAKI NGĀ TUAKANA O TE WHAREKURA

He kōrero nā te tumuaki

Nei rā aku mihi mahana ki a tātou katoa. Koia anō ka mihi atu ki te marea kua whakapau kaha, kua whakapeto ngoi ki te tautoko i ngā tini kaupapa o te kura i te tau kua hori ake nei.

'Ehara te toa o tō tātou kura i te toa takitahi,
ko te toa o tō tātou kura, he toa takitini kē'

E tika ana anō hoki kia tuku mihi ki a tātou tauira tau 13 ka puta atu i te kura i tēnei tau kia whai anō i a rātou huarahi ake ki te ao ki waho atu i te kura. Ahakoa te pōuri o te ngākau i tō koutou wehenga atu, he mahana anō a roto me te mōhio ka noho tonu te kura hei āhuru mōwai mā koutou haere ake nei.

'Ko te pae tawhiti, whāia kia tata;
ko te pae tata, whakamaua kia tīna'

Hei whakakape ake ka nui anō ngā mihi ki a tātou tamariki katoa, kua ruku hōhono atu ki te mahi i tēnei tau, kua whai wāhi atu i ngā kaupapa huahua, kua tū angitū, kua tū harikoa i roto i ngā tūahuatanga katoa.

'Whakanuia te tangata ringa raupā'

Nāku iti nei, whaea Pip

He pānui

If you are not yet connected to our Facebook page, please jump on and join up



TE KURA KAUPAPA
MAORI O WAIRARAPA
WHARANGI PUKA MATĀ



Hui Whakamana

Friday 8th of December
4:30pm wā kai
5:30pm ka tīmata

SUMMER UNIFORM

We are wearing
Summer uniform
Term 4 2023
Term 1 2024

wiki wheako

Monday 4th Dec - Friday 8th Dec

Last Day of Term:
Tuesday 12th December
@ 3pm

TE AHO MATUA

Tamariki wāwāhi tahā aratakina ki te mātāpuna o te mōhio, o te ora, o te maungārongo.

Whaia te iti kahurangi ki te tuohu koe me he maunga teitei.

Āhuatanga Ako 5.5 He mea tāpiri atu ki te whakarongo, ko te titiro, ko te raweke, ko te makamaka pātai, ko te whitiwhiti kōrero, ko te āta whakaaro, hei whakauru i te mātau me te aroā.



"Ruia te taitea, Kohia te rangiura"



NGĀ UARA

"Kotahitanga"

Ko ēnei ētahi o ngā whakaaro ngā kōrero hoki o ngā ākonga mō tēnei mea te 'Kotahitanga'.

Ka tūwhera te hinengaro ki te whakaaro, ki te mahi, ki te ako, ka ū ki ngā whāinga, ki te mahi ka pū te rūha ka hao te rangatahi.

Ka rongo i te hoenga ngātahi o te waka me te pono o te tangata ki te kaupapa me te mahana hoki o te kaupapa.

Ko tētahi pānga nui o te Kotahitanga i te kura he whakakotahi i ngā nohinohi ki ngā tauira o te wharekura, kia noho pūmau ko te hono a te tuakana ki te teina.



TE AHU O TE REO



Ka haere tonu ngā akoranga ki te kura ia te wiki ia te wiki. Ānei ētahi whakaaahu o te mano ka taege mai. He mihi tēnei ki a koutou katoa.

KURA NOHINOHI

He mihi maioha tēnei ki a Azariah, rātou ko Zarus-King ko Danny-Anaalia kua tae mai ki waenganui i a tātou, nau mai haere mai ki Kura Nohinohi.

He mihi nui tēnei ki ngā whānau i tae mai ki te hui akomanga, ki te tautoko i ngā mahi kua mahia.

Mō te pakirehua i tēnei wāhanga kua aro tātou ki te mahi hanga me te ine. Te kaha hoki o ngā tamariki ki te tā whare, ki te hanga whare me te ine i ngā wāhi rerekē o tō mātou kura.



Kura Teina

Ngā mihi mahana o te wāhanga 4, ki a koutou.

He rerehua ngā tamariki ki rō ngā kakahu raumati. He nui ngā kaupapa o te wāhanga.

Ko te Mana Kuratahi ki te Waka o Māui, ki whakatū. He mihi tēnei ki ngā pouako/raukura o te rōpū Ngā Pūāwai o te kura, koutou kua whakapau werawera i ēnei rā tata nei, mei kore ake ko koutou ka kore te reo e ora.

Ko te kaupapa ako i tēnei wāhanga, ko Te Ao o ngā Pī. Nō reria he wā tēnei ki te whakawhiti kōrero ki ou tamariki e pā ana ki te taiao me te painga o ngā pī.



TE PUTA KI TE

TAIAO

4.6 Kia tupu nga tamariki hei kaitiaki i nga painga huhua o te whenua, o te moana, o nga ngahere. Kia mau hoki ki nga ture tuku iho a nga matua tupuna, e pa ana ki te moana, ki te whenua, ki nga ngahere.



**Wiki Rima i puta he rōpū paku
ki Maunga Horowai ki te taha o
Ruud Kleinepaste ki te ako e pā
ana ki te Biodiversity. Kia
mōhio pai ai ā tātou tamariki
me pēhea te tiaki i te taiao.**



**Ānei te hononga ki te kiriata ki
Youtube
https://www.youtube.com/watch?v=D_grG4-55L0**


Nā Whaea Piri



Kura Waenga

I tēnei wāhanga ako, kei te ako mātou ki ngā āhuatanga o tētahi mea e taea ana te ine, pēnei i te roa, te whānui, te taumaha me te rōrahi.

E ako hoki ana mātou ki te whakaotipu rapanga ka whakamārama otinga e whai wāhi mai ana. Ki te whakamahi waeine aro kē hei ine i tētahi mea mā te mati, te matikara, te mārō, te tuke, te kōnui ma te whētoko hīkoi rānei. E mōhio ana ngā ākonga ki te waeine i te roanga o te kura, te whīra, ngā kōti o waho me ētahi atu wāhi hoki.





Wharekura

He nui ngā kaupapa e whakatinana ana te Wharekura i tēnei wāhanga ako. Ko ngā mahi penapena pūtea, he tiro haere ki ngā akoranga ki UCOL, he haerenga ki ngā marae, te peka atu ki te Kohanga reo o Hineteorangi me te mahi hangarau anō hoki. Me mihi ka tika ki ngā tau 12-13 e haere ana ki Tāhiti i tēnei wiki tonu.



HĀKINAKINA - KURA TUATAHI

NGĀ HĀKINAKINA O TE WĀHANGA 3



TE REO MĀORI

GOAL SHOOTER
KAIKURU

GOAL ATTACK
KOKIRI TARAWHITI

WING ATTACK
KOKIRI PAEHAU

CENTRE
POKĀPU

WING DEFENCE
ĀRAI PAEHAU

GOAL DEFENCE
ĀRAI TARAWHITI

GOAL KEEPER
POU ĀRAI

KUPU O TE WIKI WORD OF THE WEEK

POIUKA

SOFTBALL

HAVE YOU REGISTERED
TO PLAY POIUKA?

Softball
NETT VALLEY

WIKI O TE REO MĀORI MAORI LANGUAGE WEEK

KAIIEPA

PITCHER

THE KAIIEPA HAD A GREAT
CHANGE-UP.

11-17 O HEPETEMA 2023
11-17 SEPTEMBER 2023

WIKI O TE REO MĀORI MAORI LANGUAGE WEEK

KAIHOPU

CATCHER

THE KAIHOPU WAS A WAI
BEHIND THE PLATE.

11-17 O HEPETEMA 2023
11-17 SEPTEMBER 2023

KIA KĀHA
TE REO MĀORI

Waka Ama 2023

I tēnei wāhanga i uru atu mātou te wharekura ki ngā whakataetae ā rohe mō te waka ama. Toru wiki mātou e whakarite ana mō ngā whakataetae 1000m me te 500m. Tae tuarua mai ngā Māreikura mō ngā whakataetae e rua, pērā hoki ngā tama Tāne.



Māori Sports Awards

I tū te pō tuku taonga mō Ngā Tohu Hākinakina Māori ki tō mātou kura. Ko tēnei tētahi o ngā mahi penapena pūtea ki ngā tau 12-13 e haere ana ki Tāhiti.

Tēnei ngā mihi e rere ana ki te Kapa Ngā Puāwai o Te Kura mō te whakatau i te hapori o Wairarapa.



NGĀ PUAWAI O TE KURA KAUPAPA MĀORI O WAIRARAPA



Mīharo rawa tō matou haere ki Whakatū mō Te Whakataetae Kapa Haka o Te Mana Kuratahi 2023!!! I tino pai ngā wheako i whakawhiwhia ki tēnei haerenga,

ko te tūtaki tangata hou, ko te mātaki i te kapa haka ētahi o ngā mahi. Tēnā koutou te whānau mō te whakarite, whakahaere, tunu kai mō mātou te take!

E mihi ana kia whaea Pip nānā tēnei haerenga i whakarite. Nā mātou ko Jay Morris ko Maddison ko Pounamu ngā kōrero.



NGĀ PUAWAI O TE KURA KAUPAPA MĀORI O WAIRARAPA




TE MANA KURATAHI 2023 KI WHAKATŪ

Kōrero Māori!

Pepeha

Ko te pepehā he mihi, he whakamōhiotanga i a tātou mā te taki whakapapa me te pepehā o te whenua e noho ai tātou. Kōrero ki ō huānga, ā, whakakīa ngā āputa kia hangaia e koe tō pepehā.

Whakaaro hia mō te whenua e āwheo ana i a koutou ko tō whānau, ā, whakakīa ngā āputa kia hāngai tō pepehā ki a koe.



Tūtaki

NGĀ TUAKANA WHAREKURA



Kia ora e te whānau,
Ko **Hinewhakaruhia kiterangi Manaena** i tōku ingoa, he uri au nō Ngati Kahungunu, Rangitāne anō hoki a Ngai Tahu. Ko ōku wawata whai muri i te kura ko te hoki mai hei Raukura me te haere ki te whare wānanga ki te tū hei kaiako, kaiāwhina anō hoki.

Tēna koutou katoa,
Ko **Matariki Riawai-Couch** ahau. He uri tēnei nō Ngāpuhi me Ngāti Kahungunu. Ko tēnei taku tau whakamutunga ki te kura, whai muri i te kura ko aku wawata ko te whai mahi, kia hōhonu aku pūkoro.



Tēna rā koutou katoa,
Ko **Judith Reiri** tōku ingoa. He uri ahau nō Ngati Kahungunu, Rangitāne, me Ngāi Tūhoe anō hoki. Ko ōku wawata mo te tau 2024 ko te whai wāhi atu ki ngā mahi pākihi.

Tūtaki

NGĀ TUAKANA WHAREKURA



Ngā mihi e te whānau,
Ko Kawana Rongonui tōku ingoa,
he uri au nō Ngati Kahungunu,
Rangitāne anō hoki. Ko ōku wawata
hei a tērā tau ko te whai i ngā mahi
whētui me te rauiri i ngā tipu o te
ngahere. Ko te tikanga o ēnei mahi
kia tiaki i ngā tipu, te hanganga, te
hauora me te kounga hoki o te
ngāhere. Ko taku hiahia anō hoki
kia whai i te ara o Te Ao Toi me te
whakarauora anō hoki i ēnei mahi
ki Te Wairarapa.

Tēna tātou,
Ko **Tommy Travers** tēnei. He
uri au nō Ngati Kahungunu,
Rangitāne anō hoki. Ko ōku
wawata mō te tau 2024 ko te
whai i te ara mō te kaimahi
hiko, ā, ko te whainga hei
mahi ki ngā maina ki
Ahitereiria.

